

聖宋名賢五百家播芳大全文粹

三十二

祝文

國家祈禱祭祀

明堂大禮冊文

昊天上帝

汪彥章

嗣天子臣某敢昭告于 昊天上帝伏以明明在上臨照四方惟我邦家夙膺景命世修禋類猥及冲人祗見合宮敢忘其舊謹以玉帛犧齊粢盛庶品肅恭禋祀式展誠欽 太祖啓運立極英武睿文神德聖功至明大孝皇帝 太宗至仁應道神功聖德文武睿烈大明廣孝皇帝配神作主尚饗

皇地祗

伏以肇禋禋明堂鄉上帝之盛於赫厚載与天同尊二儀合祛厥有常典敢罄齋栗用祈顧歆謹以玉帛犧齊粢盛庶品肅恭禋祀式展誠欽 太祖啓運立極英武睿文神德聖功至明大孝皇帝 太宗至仁應道神功聖德文武睿烈大明廣孝皇帝配神作主尚饗

太祖 太宗

伏以於 皇祖宗肇有四海陟配上帝百年于茲眇然冲人嗣主茲祭報以宗極舊章敢忘謹以制幣犧齊粢盛肅恭明薦侑神作主尚饗

太廟

伏以維德不類嗣承明禋乃消剛辰祗見上帝燕及宗祏垂休二窮謹以嘉玉量幣柔毛羽鬣明粢鄉合且鄉其嘉加疏嘉薦清酌式陳明薦尚饗

明堂大禮奏告諸陵宗廟祝文

汪彥章

明堂大禮奏告 太祖太宗祝文

汪彥章

伏以自頃郊見復茲歲臨將擇季秋之辰恭修重屋之祝配神所顧歆爰殫孝饗食式奉粢朝之典不敢不告

大禮畢恭謝景靈宮諸殿神御祝文

汪彥章

伏以比即崇筵具陳嘉至幸高穹之顧答知景祚之靈靈長坐格熙成實詒燕翼敢憇菲涼之質永承錫羨之休

改元奏生吳地社稷諸宮觀祝文

汪彥章

比以荐更大故思靖群生乃即復端之辰博稽居正之義疏恩肆肯易號冠元尚祈降鑒之明克集係隆之慶

太后受冊祭告祝文

蘇東坡

祇事親闈庶幾孝治配德祖考既務極於推崇篤生渺冲亦敢忘於稟顯將奉宝冊率循舊章消日甚良先期已告

公主下嫁祭告祝文

汪彥章

天屬至親王姬貴胄爰上國婚之吉茲逢后族之良車服有輝將成夫婦之教著貴顯咸喜爰知祖宗之心謹以良辰申茲吉禮

大明祝文

葛侍郎

惟神著明垂象實宗衆陽光耀廣輪功烜庶物今戊臘屆候百穀順成上憲伊耆禮有常報

神農氏祝文

葛侍郎

惟帝神龍感孕瑞火名官斷稼之功垂靈億代今歲將道及聚物蒙饗其敢乏先農之祀

后稷氏祝文

葛侍郎

惟神帝武赫靈靈託回質教民粒食民以弗飢月臨嘉平土反其宅司嗇之祀敢効吉蠲

歲星祝文

葛侍郎

惟神著象圓清騰光下土安靜中度爲時之祥赤黃而沉農倉告稔國有儲峙繫神之休

修前殿告祭祝文

歐陽永叔

神遊所格秘寢有嚴役事時興方勤於締葺后祇安靜頗懼於震驚非薦式陳明靈昭鑒

繕治禁何祭告河神祝文

天子以別都之重原廟之嚴而宮闕未崇制度多略既勃有司以時繕治矣然山高谷深水所不至故園囿池沼之大灌溉滌濯之用縷挽缶汲不足以濟乃者吏嘗架河膚引金水屢作兩輟績用弗成今奉詔旨跡渠于七里之川役不淹時功用克立謹洵元日達此新甌惟神之靈實相帝祉濬導之始敢不昭告

太一宮修殿告祭祝文

蘇東坡

於穆祠宮有嚴春祀吏以時而按視工揆日以修完庶就潔新永綏靈御仰祈昭暨大庇含生

洛陽天津橋導水祝文

竹隱畸士

洛陽 天子之別都宮闕在焉而馳道之衝梁毀弗治吏既失職民以病涉某實奉 詔典司役事屬徒數方興作累月而雨潦弗作孺疾莫回是神之有大賜於茲役也今梁既克建工用告成謹導大川于此穀且伏願沛然就下陰賜護持顯揚善利之靈祇若大君之命亦有幣帛粢盛以永事神不怠

洛陽天津橋成導水祭神妃祝文

竹隱畸士

自江河淮濟以達于海凡水暨之所神輒董司之朝廷所以屢委進封爵而褒顯神之功德者可謂備至矣豈不以利澤之及於物者廣且博歟今洛水貫于西都而天津之梁跨立其上工既成矣方將導川而東之吏則不敏弗能稱職意者非神之威靈有以陰相而默助之殆且莫之託也敢洎吉辰先事以告維神降格寶頌歆之

太廟繕治祭告祝文

蘇子由

廟室又安霖雨乘隙飭工繕治運日告虔棟宇益堅威靈无竦

繕治禁河祭告河神祝文

竹隱畸士

洛川之陽芒山之麓宮闕在焉地既積高水則弗至而苑囿池沼之大灌溉滌濯之用凡所以奉至尊共朝夕者无所仰給吏用是懼之距城之七里實得美泉方將繕治隄防溝而納之禁中此神之職所宜聞也疋事之始不敢不告

景靈宮修水渠祝文

蘇 子由

靈宇邃嚴周渠捍密有司繕故以時易新既命消辰敢告經始

修諸壇告祭祝文

壇壝之嚴神明所格以時修舊式叶彝儀消此吉辰用申昭告

洛陽橋成導水祭洛神祝文

竹隱畸士

昔者禹得九疇肇自龜書周人定鼎卜惟洛食天下名山大川之神助國者蓋亦多矣然帝王之興洛輒預有符焉神贊司之可謂盛矣今宮闕居其陽馳道出其上某奉詔旨為梁以濟賴神之休既克有成方且導川而東之謹消吉辰先事以告伏願弭節安行波恬不興毋作怒流以順帝命則神亦有无穷之聞碩不遑欵

上清宮成詔告諸廟祝文

蘇東坡

上清儲祥宮成敷宥四海均福于下有詔守臣凡在秩祀罔不祇薦維神導和却沴保民无疆以稱朝廷至仁之意

修城門告祭祝文

宋 子京

國塗南出城闔內嚴將屬種燔稍加修飭埽壘集穿築為傾仰奠靈休助竣役事

修殿門告祭祝文

宋 子京

比得庶工聿新嚴闔日无淹久績乃雄成上棟有初擊臯云息俾陳令薦以谷潛休

山陵一路告祭祝文

揚 大年

太宗皇帝龜洛開符龍輶戒道仰秦鑿之朝貌陳周禮之樽彝用昭格於明神蓋聿修於彝典恭惟正且俯鑒吉蠲

祇宮興沆汾水登遐駟八翼以啓行屆雙鳩之舊壤瞻龍顏其如在顧蜃輅以難留謹用必芬以求彤蠶

脫徒人寰遺弓僊路爰厲因山之礼用修假道之儀仰惟窈窕之容俯鑒馨香之奠

鑄鼎功成夢齡數迫畢陌之茹雨載咽鮒隅之弓劍有期式瞻廟食之雲蒸恭展德馨之奠

左夫人 救拔山神

厭世上仙因山啓卜徽塗芻芻而成列奉窳窳之有期爰假道於嚴
祠輒薦誠於薄酌右夫人

龍鏤上漢鳳翥戒途爰陳掃地之至誠用告拔山之英魄仰惟如
在俯鑒惟精大力

飛名帝錄釋負人寰方堂將瘞於衣冠清祀式陳於醴年歲修彝
典俯臨肅誠五通

運屬冥升災與夕駕祀國動崩天之戚橋山當復土之期式瞻西
伯之嚴祠近在東周之舊壤恭陳清酌用告明神周文王

攀髯不駐復登去婦儼天仗以徐行拍虹橋而徑度聿陳薄酌用
告明靈金劍

乘雲不返同軌有期儼龍馭以凶行拍虹梁而利涉聿修祀事式
薦明誠任活

安御容祝文

歐陽永叔

宗廟之禮是為典彝衣冠以遊實有故事載嚴寶構以奉威靈洎

九月八日
吉月以有初庶真馭之斯格

遷御容祝文

蘇子由

終南積高神明是宅仙廟夙設容御攸存屬當闔新敢志迂寓少
祈安妥旋復故常

安御容祝文

歐陽永叔

雨水為災殿塗增緝亦既新於叢構庶來復於真游爰揆靈長奠
茲安妥緬為慈佑丕鑒乃成

安御容祝文

蘇東坡

於皇在天丕冒下上矧此山陵之近顧瞻兩都宅於嵩洛之間上
聯五聖有嚴淨宇祇奉睟顏願追梵釋之遊永合人天之望

安御容祝文

蘇東坡

唐虞稽古雖絕名言文武重光已新崇構下慰華夷之望仰慕天
日之容將住宅於靈宮永懷攀慕願少安於秘殿庶及瞻依

郊祀赦書告祭百神祝文

竹隱畸士

皇帝陛下親政之五年民人協和天地並况符籙青鳥出厲裁不與
消選元辰躬奉郊祀被甲子詔書凡郡國山川百神之在今典者
吏趣繁齊具薦嘉嘉百惟神顯德實佑斯民其敢不虔肅致明祀益
廣惠澤以稱我天子之休命

德音告祭諸廟祝文

竹隱畸士

皇帝仁聖敬恭明神勤勞方幾比爽和豫明詔惻怛惠寬凶辜申
命有司嚴奉祀事惟神胙國導迎喜氣佑我元后亟臻平康俾我
永永承事不怠神亦与有无窮之休

登極赦告諸廟祝文

皇帝聖德克堪對天惟新陟王付畀重器初以冕服臨見群臣天
人和同不約共慶被庚子詔書凡名山大川与諸廟食之神敕吏
以時咸秩祀事肆用誦日薦陳犧牲神其燕歆相我后以永天之命

德音祈福祝文

天以聖母用綏定我國家今功業方凝内外提福乃降疾疹以弗
康于寢興 皇帝孝恭肆用齋栗祗懼不愛牲幣以徧請于群神
惟帝神降衷右我文母蠲去藥石亟臻夷瘳則惟帝神之靈其曷
敢不報

北岳祈福祝文

惟我文母擁佑聖皇勤勞邦家功在社稷爽于夙宵上用祗懼敕
遣守吏索齋以祈願錫祉福亟臻平康俾我聖皇共養不怠我亦
以幣与牲俟帝休命

被詔告祭諸廟祝文

惟聖御極立愛惟親明靈所依罔不欽奉肇造寶宇以寧列聖之
神祖宗顧懷報以景福明詔祗栗弗敢以專巾命有司咸秩祀事
具薦豐潔神其監之

赦後祭告諸廟祝文

蘇 叔黨

恭惟主上欽崇天道敷佑下民躬薦徽稱以嚴上帝沛鴻恩於率
土秩元祀於百神乃眷明靈丕贊其化育名紀載藉功冒黎元異昭

馳奏德音益導迎於和氣均播朔福永孚于休

日食祈禱祝文

蘇子瞻

嗚呼日官底日實詔天戒正陽之朔將有薄食上心震懼側身修德誕布休命赦宥多辟凡在祀典罔不咸秩惟神聰明昭鑒誠忱消復大音迎導和氣俾我有邦草夫之衷民物康阜以永保神之休无斃

星變祈禱祝文

邵澤民

今天子嚴恭寅畏奉若天道迹者星文變異實軫聖心乃下哀痛之詔出罪已之言澤及萬方以恪天之明命又俾郡邑使凡秩於典祀之神咸往告焉惟神聰明正直同國休戚其導迎和氣消弭妖祥慰我天子厥報无爽

赦後省賽文

秦少游

祇奉綸言徧修群祀導迎善氣加惠元元敢不恭進酒牲備嚴薦獻以承休命神其降之

德音改元祭告祝文

毛伯穎

皇矣上帝方隆申命之符古之明王咸有禦災之術共惟睿主再造先基將祇牙於天休迺載新於年紀赦過宥罪而與民更始潔粢豐且盛而靡神不宗惟尔明靈享茲信順五兵不試尽消寇竊之憂百穀用成茂介蒸黎之福

赦後祭郡神文

真主紹統覃慶万方若時明神采均溥澤神其顯享密相皇家使四夷咸賓盜賊不作年穀屢登則豈特斯人之幸雖神之祀亦將与國无窮神之聽之母辱君賜

赦後祭郡神文

來復一陽郊見天地晏温澄霽有盛節用成若時百靈實燕實相四均溥澤並率常祠神其顧歆益揚乃職佐佑万乘永孚王室之休无負聖君之寵

生皇太子祭郡神文

炎宋中興本支百世若時元子五月慶椒塗爰沛湛恩誕均幽顯惟神陰相簡在帝心牲醴必芬庸示昭報神其欽止勿替前休

出師告廟祝文

邵公濟

狡虜怙強違天逆理窮兵六月流毒四方其備位戎司義當報國蓋敵加而後應冀師出而有功伏願神聰俯垂陰佑用克彰於靈應俾盡掃於妖氛儻遂感通敢忘報事

獲賊告裕陵祝文

蘇子瞻

大獮獲禽必有指蹤之自豐年高廩孰知耘耔之勞憬彼西戎古稱右臂自嘉祐末木征擾邊至熙寧中薰罔方命於赫聖考恭行天誅非貪尺寸之疆蓋為民除蝨蠹遂建長久之策不以賊遺子孫而西蕃大首領鬼章首犯南川北連拓拔申命諸將擇利而行旋聞偏師無往不克吏士用命爭酬未報之恩聖靈在天難逃不漏之網已於八月戊戌生獲鬼章頡利成禽初无渭水之耻郅支授首聊報谷吉之冤謹當推本聖心益修戎略務在服近而來遠期於偃革以息民仰冀威靈曲垂昭鑒

謁宣聖祭饗辭

謁宣聖祝文

張欽夫

某以愚陋被命臨民早夜恐懼未知所濟惟當精思聖經之法言躬而行之庶幾萬有一獲竄於罪悔視事之始敢祇見於李宮

新學落成祭先聖祝文

張欽夫

伏惟廟季新成謹率僚吏與鄉食之士行釋菜禮敢不稽首再拜思所以祇告明訓

奉安先聖祝文

張欽夫

茲新棟宇亦既告成敬奉神像即安于宮敢告

謁先聖祝文

張欽夫

某恭承皇命來守遐藩視事之初祇見于廟為政之方備嚴經訓雖曰不敏敢不夙夜敬思力行庶幾萬一

謁先聖先師

張欽夫

其以承學濫茲為邦視事之初祇見于廟佩居敬行簡之言推學道愛人之志雖曰不敏敢不夙夜庶幾萬一

祭先師祝文

張 欽夫

伏以廟學新成謹率僚吏與鄉食之士釋菜于先聖敢以先師鄒充國公配

辭先聖祝文

竹隱畸士

某猥以諸生攝官承乏政也無良而歲則大有獲免罪戾適及某年蒙恩還朝其敢不告

謁先聖祝文

秦 少游

惟王道備天人功崇列聖大成既集六藝斯明內聖外王所同憲法山川鳥獸形亦裕如萬世尊親天下通祀惟時士子生逢休明讀玩棄餘作為藝業有司論定天澤遂覃推本所從實王比貺敢消時日薦見朝廷

謁先聖祝文

秦 少游

郡守被命于朝既至治所則必告于境內之明神禮也矧惟宣聖實我儒祖薦見之禮敢後群祠是率僚屬爰及士子躬趨于庭以執祀事

謁先師祝文

秦 少游

惟公聖師所鑄號古哲人凜然高風聞者為起諸生敏求不覓累年依憑餘光以得名官時方尚德進爵既崇祭重報先敢忘大賜祠以薄饌公其饜金之

謁夫子廟祝文

趙 德莊

古者有大政事必出于學今亡矣特以養士而已然郡邑之吏始至者必先見于先聖先師越三日又見焉然後退而從政示人有所本也某不佞而學者徒也其敢叛去以不循其本尚饗

鄉飲釋奠夫子廟祝文

趙 德莊

洪惟聖王丕闡文教揆時制禮有合於鄉校肆我附庸欽率令典齒德在次爵洗在祭母敢慢爭以瀆五行一獻之禮困先厥誠

辭夫子廟祝文

趙德莊

其未佞獲從鄉大夫士釋菜奠飲于先聖先師之宮蓋三春且秋矣內不及已外不及民先友漆雕開之所畏也而其蹈之雖幸而免其顛泚如朝聞夕死尚鞭其後敢昧昧以拜

辭學祝文

趙德莊

不量學力妄意爲人名虛祿浮禍疾存作知難而去神鑒所臨尚抱遺經以全晚節

謁先聖祝文

趙德莊

歲比不登民食二鬴天子憂之申命老臣以脩荒政惟先聖有言不患寡而患不均不患貧而患不安某敢不思所以均而安之者以無忘先聖之訓而奉天子之詔其尚克鑒之

謁先聖祝文

葛謙白

某嘗聞之夫子曰君子學道則愛人未嘗不書諸紳也今天子不以某不肖使蕃于江城其敢不事茲語以施于有政尚饗

五

謁宣聖祝文

汪彥章

某奮自諸生蒙聖恩移守此土視事之初祇謁廟下誓言行所事以臨其民雖在軍旅敢廢俎豆尚饗

祭宣聖祝文

崔正言

宗周之晚道術既分諸子相騰邪說紛揉唯王德高將聖道極大成煥焉垂世之書永作生民之範某摳衣詣席早預諸生擁笏造朝晚登仕版介居江國亦領縣章式謹彝儀肆陳薄奠

十哲祝文

崔正言

猗歟夫子道冠群倫諸生三千周旋天下唯神或譽高入室或名著升堂卓然群第之間迥處十人之列被服真儒之道優游名世之賢國有彝章歲脩祀事

兩廊諸子祝文

崔正言

在昔晚周異端並起繫我先聖闡揚道真維神或親見於當年或相望於異世咸能服膺夫子之道高踐聖人之門垂千百年著見

万册功存名義報有典常

謁先聖祝文

朱元晦

某早以諸生推擇爲吏中遭疾病即退立園乃得其耕耨之餘日伏讀先聖先師之遺書夜思晝行不敢以昧陋自弃者二十餘年於此矣比蒙 聖恩假守茲郡懇辭不獲輿曳而來疇昔所聞庶幾小試蒲柳之質衰不待年憤耗支離已深不夢之歎大懼弗稱以辱君師祇事之初敢以誠告惟先聖先師之靈實誘其衷使幸不獲罪於其民而蚤遂歸田以終故業則某不勝幸甚

祭文宣王祝文

某誦先聖之言於百世之後尊先聖之道於千歲之前志存于道紳書其言四惡惟屏五美是尊庶幾治政以臨其民某叨受朝寄俾守方面祇見于學敢遵常典

辭文宣王祝文

某祇受朝命來守茲土誦夫子之言行夫子之道尊美屏惡居敬行簡以施于政以臨其民知自勉而已茲緣申命領計東南去此有日敢不致恭字下伏惟尚饗

謁文宣王祝文

某本以諸生起家爲吏蒙恩之誤承乏此邦既有民人又有社稷學優則仕雖有愧於格言寬以愛民其敢志於聖訓莅事之始敢不祇見

辭宣聖祝文

黃泰之

某少而知學以絺章繪句爲餘習凡先聖之訓可推而行者服念惟謹備員試郡它不遑務日孜孜於學道愛人之規持之而固措之而宜政成寵加不敢以爲榮而祇懼惟不負之學自此願益加勉焉

祭先聖祝文

王介甫

惟王之道內則妙万物而外則師王者爲緒餘於一時而鼓舞於万世學者範圍於覆燾之中而不足以酬高厚之德今與諸生

釋奠而不後者於學校之儀而興其所以愛禮之意也

祭先師祝文

王介甫

外物不足以動心而樂者可謂知性矣然後用舍之際始可以語命而三千之徒聖人獨以公預此所以學校有釋菜之事而以公配享焉



聖宋名賢五百家播芳大全文粹卷第七十三

聖宋名賢五百家播芳大全文粹卷第七十四

祝文

謁廟

謁諸廟祝文

張欽夫

某被天子命來守此邦靖共爾位正直是與頌雖不敏敢不敬斯言惟神實臨臨之

謁社壇祝文

張欽夫

某恭承皇命來守遐藩視事之初祇見壇壝惟神克相惠綏此民政有乖戾罰止其身

謁諸廟祝文

朱元晦

某抱病田間不堪爲吏久矣聖天子哀矜不忍終弃強畀符竹使爲此邦輿曳而來亦既視事以衰耗罷軟之資當民貧財匱之際大懼曠闕無以克當明恩惟神受職於朝廷以食茲土其與命吏憂責推均其亦有以相之使民安於下官給於上而某也蚤得收其疾病之軀以歸老故丘則神之賜大矣款謁之初敢以誠告它不敢以有所祈謹告

謁諸廟祝文

汪彥章

某奉天子命來殿此邦與神分職幽明均保疆域下車之始敢以虔告惟神陰相之使枹鼓不鳴雨暘時若非特吏逃其責而神亦廟食无愧尚享

謁社稷祝文

汪彥章

國家當艱難用武之秋擇循良宣化之吏不以某之不肖使守此邦撫其人民而事其社稷大懼迂愚无以報稱惟神降釐下土秩祀万世當使雨暘以時疾癘不作而守亦預有祭焉尚享

謁廟祝文

竹隱畸士

天子不以某爲愚付之以八州二十縣之咄臨遣于朝使長治之凡人之所蒙恃以福吏之所仰而受賜者皆當蚤夜奉祀以爲民休視事之始敢不敬見



謁廟祝文

竹隱畸士

其被命于朝來守茲土仰惟前列遺愛其存平生所貴師其在今日雖則不敏敢不夙夜蒞事之始神其監之

謁諸廟祝文

趙 德莊

凡天下郡邑帝以神而君以吏非使之食斯上咸以為民也然神嘗聰明正直而吏不能皆賢故民欽事神久而益信而有時乎患苦吏之不速去也其不佞不能賢何以使民不患苦而欲去哉神尚實相之尚享

謁城隍祝文

葛 謙白

其承之守上惟城是依使城之無虞真惟神是賴則蒞政之始其敢怠於神而不以告乎尚享

謁東嶽廟文

秦 少游

惟神望秩岱宗寶掌群嶽有嚴別廟在于此邦守土之臣既見民更敢羞牲酒進見于庭

謁城隍廟文

秦 少游

淮西古城形若垂瓠帶以汝水生齒實繁惟神廟食此土此貺一方敢致酒牲用嚴薦見躬趨于庭疇敢後時

經過威惠廟祝文

黃 泰之

某去鵬之官便道款謁今叨召命復出祠下自往而還由老及幼莫不席庇床而沐潤澤酌酒薦牲誠未足以答靈貺之萬一軌之於無虞豈異之於有成惟王實宏茲賜

辭廟祝文

竹隱畸士

某承乏守土適及暮年政也無良而歲則大有獲免罪戾神實賜之蒙恩還朝其敢不告

辭平江廟祝文

某守茲南土賦政不優沐神之澤日蒙其休茲緣申命摠計外司去此有日祇見神祠

辭諸廟祝文

趙 德莊

某猥以政學于茲三年行實不脩俗弊而莫之化也財用不充民貧而莫之緩也水旱流行有以為神羞而牲酒瘠酸無以為神報也不罪不疾登茲解歸敢不重拜

辭廟祝文

趙德莊

行義不振無以事神以病馬閑歸老丘壑其不肖之責粗塞而人之仰神無窮尚俾斯民永依正直

辭靈著王祝文

黃泰之

惟王功蓋一世澤流萬代凡厥生人幸蒙庇其承之此邦睇遺像而迹靈光禱祈必應捷於影響音凡安于身昌于家善乎其政皆王之賜也其行也敢不以告

辭諸廟祝文

竹隱畸士

某承乏守土于茲累年賴神之休穀麥屢稔寇虜不作民用樂康今復蒙恩更命于魏凡平昔耳目所接尚猶有懷也況於承庇之久而受賜之多者與恭造祠宇維用敬告

辭廟祝文

竹隱畸士

某承乏于此八年疆場晏安年穀和孰繫神之力獲免於戾奉被詔旨護河以東屬當有行敢不恭告

祭謁先聖先賢

祭舜祠祝文

張欽夫

某謹以牲醴致祭于虞帝之祠惟斯民之所以生斯世之所以立繫人倫之教是賴而聖人實人倫之至也帝之盛德冠冕萬代固豈下臣所敢贊述蒼梧之野謂帝嘗臨寅緣此邦獲奉廟祀某蒞官之初適修常事周視棟宇缺壞弗稱棟栗汗下不敢違寧肇新規摹茲焉獲考敬率官僚俯伏以告惟帝之澤化育並行動植蒙賴何有窮極敢云此邦獨私其賜

祭有虞氏二妃祝文

張欽夫

惟神唐帝之女嬪于有虞協德聖神垂則方代新宮肇建內闈是嚴修祠于春敢率羣紳典

祭蜀漢昭烈帝祝文

張 欽夫

惟帝痛宗國之荒墜積讎賊之憑陵顛沛百罹信義不啻至於賢哲願爲之佐英雄樂効其死規摹宏遠夫豈偶然天若祚漢豈其無成雖曰不終正理曷泯眷言茲地昔所遲回風烈猶存君高婁槍有廟以祀典禮則宜藩臣經從敢不敬修

謁嚴子陵祝文

張 欽夫

某以愚陋被命來守此邦竊仰先生高風于千載之上視事之始恨拘印紱不得躬走祠下敬遣某官往致一奠

祭寇忠愍公

張 欽夫

丞相萊國寇忠愍公國有大議發言盈庭紛紛鄙夫感縮經營豈國之愛惟謀厥身從違之間興喪所分不有英哲孰相其成一言之決九鼎莫傾允矣萊公社稷之臣定計澶淵功垂日星匪功之艱其見克明惟見之獨勇莫我嬰黃蓋一張虜膽已醒是曰朝勝豈幸之去彼穢雖巧寧屈其伸是非之公久焉一新最爾茲邑公所嘗臨民之愛公孔悲以忱有翦者竹爲之發生我來拜公起而涕零才難道遠孰起九原何以昭之不在斯文

謁三公堂祝文

張 欽夫

敢昭告于諫議田公文正范公清獻趙公某被命來守此邦誓諸圖牒惟三公之遺風流澤在焉高山仰止拳拳此心敢不自勉庶幾萬一視事之始敬薦薄奠

謁故侍中太尉長沙陶威公文

朱 元晦

某猥承人之假守茲邦祗事之初以禮見於先聖先師而視其學則有公之遺祠在焉惟公忠順勤勞機神明墜沒而不朽食此江墳其亦有以相之使民安於下官給於上而其也早得收其疾病之軀以幸免娑婆之嘆則公之賜大矣欵謁之初敢以誠告

謁元祐禮部尚書李公文

朱 元晦

仰惟壯節高風夙所欽慕敢不再拜伏謁以致其高山景行之思惟公之靈尚克臨臨至謹告

謁濂溪先生祝文

朱元梅

敢昭告于故知軍事濂溪先生周公惟先生道學淵懿得傳于天上繼孔顏下啓程氏使當世學者得見聖賢於千載之上如聞其聲如睹其容授受服行措諸事業傳諸永久而不失其正其功烈之盛蓋自孟氏以來未始有也某欽誦遺編敬啓蒙吝茲焉試郡又得嗣守條教於百有餘年之後是用式嚴貌象作廟孝官并以明道先生程公伊川先生程公配伸從享惟先生之靈靈而具鑒之

謁韓文公祝文

葛謙白

公以勁節忠操爲唐名臣由刑部侍郎貶潮移袁祭神之章告至之表載在方冊讀者悚然頃者備數貳卿以罪去國天子不終棄俾守茲土祝印之始其敢不拱拜祠下尚享

謁狄仁傑廟祝文

秦少游

惟公昔以盛德爲唐名臣嘗刺此州風流具存越王之禍玉石俱焚二千餘人賴公獲免宜千萬年血食茲土豫之子孫報仰何窮舊祠迫隘不稱明靈爰築新室以安貌像敢消時日薦告于庭

謁李愬廟祝文

秦少游

唐之中葉盜據此方歲行四宮天誅不訖公時銜命實帥西師比破茲巢市不易肆虺豕遺種化爲平民公於蔡人厥功懋矣廟食雖久棟宇穿頽易而新之得是亢爽千秋乃歲公其安焉

辭昌黎伯祝文

黃泰之

惟朝爲海濱之鄒魯惟公爲潮人之夫子駁除異物用蕃厥生矯揉陋習挈之禮樂庶而教之功至于今不泯也某備員此邦惟流風餘澤是承朝廷不以其不才而賜之收召寧非陰有以扶掖之耶酌酒祠庭再拜歸祝願公益于東相

祭鄉食

春賽祝文

汪彥章

國之大事在祀爲先雨露旣濡仲春在候率循常典緝于群神惟

神之靈功在社稷用消吉日祗薦庶羞異聞鴻私俾民受福雨暘
順序不違農時指日秋成報其敢後

秋賽祝文

汪 彥章

國事之大祀與爲先有德在民稱情立禮霜露始降律惟仲秋歲
有常儀敢忘歸報惟神廟食是土恃民爲尊民社旣安神祠亦永
秋成在望雨暘失時巽顯靈通以福黎庶

秋祭諸廟祝文

汪 彥章

封提千里維民所止神實庇焉春秋匪懈享祀不忒吏實主焉况
夫典禮首戒祀事式遵走群司以致誠哀百靈而時對蓋將有禱
于上下神祇矣今三秋載戢載肅萬寶將成精意以享必絜必豐
諒應其求者必在乎冥冥之中共惟明神與食廟社亦旣有年斯
民奉事久而益謹巫祝所告神其鑒之尚享

省祀祝文

崔 正言

維神有德有功維國有祈有報著在甲令率爲舊章時維仲秋歲
五、十一 方七十四 脩祀事犧牲肥碩邊豆靜嘉神其居歆庶無罪悔

祭勾芒神祝文

秦 少游

日窮于次歲事肇興爰卜土牛以送寒氣惟神佐成震治于民有
功敢稽禮經用修常祀

秋祭祀文

張 欽夫

茲以素秋恪修常事在禮所當報而不祈惟是中秋以來久愆雨
澤今稻之傷者雖不及事然土壤堅燥澤氣不升實預懷嗣歲之
慮敢因以請早賜甘澤兆開豐稔實惟神之休

社壇祝文

張 欽夫

敢昭告于社稷之神某被命來守此邦政有關謬願降災於厥躬
而无以疵癘于斯民惟明神實昭臨之

社壇祝文

張 欽夫

惟雨暘寒燠之時與不時雖司乎神而實係於人之爲某以不敏
來守此邦懼知慮有所弗逮惟神寬之至其自作之愆則願降罰

于身而無以傷乎民則惟神之明

祭禋神祝文

張 欽夫

惟禋有神司我下土斡旋生育功用莫禦

楚望祭名山大川

張 欽夫

名山大川神靈莫測望祀之典敢不敬恭肇始二壇用伸祈報惟神歆格佑我下民俾雨暘若時歲事登濟罔有苗害以闡神之休惟吏謹當率民奉事自今以往終古无斁

祭烏龍山神

張 欽夫

竊惟古者諸侯名祭境內之山川嚴其壇壝索其幣牲以致吾誠焉耳後世立之棟宇設為像貌其失甚矣仁安之山實鎮茲土風雲變化雨我百穀是惟神靈民所依賴而禱祀之所曠然未講其何以收聚誠意克有感通肇始茲壇亦既訖事謹率僚屬再拜以祀惟神昭相俾雨暘以時嘉生无厲吏雖不敏敢不率民敬事永以无替亦惟神之休

祭勾芒神祝文

張 欽夫

惟時新春陽氣肇舒乃出土牛以首農事致祀于神實曰彝典惟神孚佑時其雨暘順乃嘉生賜以豐年其敢忘神之德

祭海陽山祝文

張 欽夫

嗚呼海陽之山呼吸雲氣維邦之望而民所恃嗟嗟晚稼亦既成穗屬時驕陽垂成莫遂惟神至仁矜此憔悴觸石膚寸一境是庇沛為甘澤成我豐登感孚于下民永答神惠

祭諸廟祝文

惟茲稼穡幸底有年戴神之休敢志思報謹以季秋聿修常事惟神聽臨終惠賜之

祭灑江堯山祝文

在禮諸侯得祭其境內之山川惟山川之靈能出雲雨故為禱祀之所依堯山灑江此邦之望也而壇壝未立修敬无所茲以夏秋之交近旬不雨農夫望歲之切用敢瞻望再拜以致悃誠且遣官

僚奉祝以告伏惟神靈惠孚沛為甘澤俾克有年圖報之修其敢復後

秋祀堯山祝文

茲以季秋万寶告成謹遣官僚敬修常事仰惟神靈賜以隆格

祭北岳祝文

竹隱畸士

節屆長贏時當化養方彙錄祉百嘉阜亨祇薦黜長益敬修常祀維帝秉德莫茲朔方冀臻潤澤之調懋相恢台之序庸有昭報敢志吉蠲

祭北岳諸神祝文

天以神筮寶玉付畀皇帝帝用祇栗不敢寧康躬臨會朝潛受顯命推美弗有歸功百神深詔有司肅致明祀惟帝昨國協于休祥敬修必芬祇報靈祐益茂厥福用永相于皇家

春祈諸廟祝文

三時務農四日率趾于彼新田以我覃耜神其格思民則勞止如次如梁為酒為醴迄用康年奄觀銍艾

秋報諸廟祝文

秋既成矣穀既登矣民得以寧其婦子而吏得以豐其糗盛者皆神之休也敬再拜受賜

眎社祝文

朱元晦

叨被恩除假守茲土載惟社稷民命所依祇率故常按行封壇用嚴國典式對神休謹告

夏祈北岳祝文

竹隱畸士

惟帝宅此冀方惠于朔土威德之溥人民具依吏祇厥常祭弗敢怠在夏曰假於時為亨敬羞嘉粟之誠用介長贏之祉

秋祭祝文

日者天子閔仁元元由嚴賞誅購補蠲騰郡縣協恭吏民趨令除治勦絕既无子遺矣今秋既垂成稻將畢列夫人張頤以後粒食乃聞遺種復煽淮右是用憂栗悼懼不皇寧居謹訪官屬躬奠幣

于祠下惟神威及庶物惠流一方指顧頃刻可攝妖孽願資陰德之靈以扞吾民之患功宜有報吏不敢忘

秋祀堯山祝文

張欽夫

茲以季秋乃寶告成謹遣官僚敬修常事仰惟神靈賜以鑒格

祭城隍廟祝文

黃泰之

惟神血食茲土垂庇一方物无疵癘民用寧謐凡牧民之吏弗粟厥職亦惟扶持安全之賜也某備員郡事亦既半載奉神之禮缺焉若踈至於躡神之意以惠恤疲疇剔除弊事朝夕誠不敢少怠今茲甘雨時若年穀兆豐豈非神之澤而誰為迺若海寇授首官軍奏動垂敗而成幾危而捷寧非威靈所既豈乎酌酒薦牲聊以鼓舞乎神之賜惟神其終惠之

秋報北岳諸神祝文

竹隱畸士

惟民終歲勤動以後有秋乃克粒食今雨暘時若百穀順成欽神之休不敢遑處祇率禮典肆用昭報

祭河祝文

四瀆之大以河為宗古之諸侯祭不越境今以旱暵之故禱于群神吏罪其多雨不時降意者非名山大川能出雲雨以澤下民者疇克救之瀛之為州在河之涘禮實可祭義不為諂守郡之寄不獲以躬謹遣上佐具嚴祀事奠推一勺之潤以蘇千里之民

祭江祝文

注 彦章

惟神以海為宗王百谷也雲霧雷風雷氣傳畜也曰雨曰暘相民欲也鞭笞群龍起潛伏也方春敷榮俟嘉沐也胡為陰陽及為罽縮也冰漸既融潮未復也戢然千艘尾銜屬也聖人中天世司牧也一夫阻飢為嘔蹙也貌狝乃屯懼枵腹也神寧忍予倦揮沃也虛呵起難費升翁也詔恩臨祠奉牲玉也尚駟雲師貺沾足也繫邦是圖匪私瀆也

迎神祈年祝文

竹隱畸士

維仲之春既播厥穀雖具官於民力實仰繫於天時苟風雨之其

調庶送京之可待神將有報吏不敢忘

立春祭勾芒神祝文

方春載陽土脉道發耕耨者將作既戒乃事維神司木實佑我民恭薦嘉牲以介靈祐

立春祭勾芒神祝文

方歲之春假載南亩惟爾有神相我橋事既敬既戒神其佑之

獲管賊祭廟祝文

秦 少游

乃者群盜並竊發剽劫閭里遊菟疆場境內騷然賴神威靈咸伏其辜鯨鯢既殲民以休靖敢以牲酒用答神休

興修祭告

告成堯山濰江壇祝文

張 欽夫

惟江山之神實爲此邦之所瞻依而壇壝禱祀無所其用是懼爰度高明之地肇新規摹及茲而成謹率官僚俯伏以告惟孚馳靈佑此下民俾歲婁豐阜物无疵癘吏當率民敬事其永无斁

立嚴子陵祠祝文

竊惟此邦之所以重於天下者以先生高風之所存也雖舊嘗隱之地祠像俱設而李宮之中蒸當獨曠其何以對孝士大夫之思乃闢東偏肇始祀事嗟乎世遠道散寵利相希而事君之義益以不明惟先生曾不以一毫動其中啓世祖貴德尊士之心成東京砥節礪行之俗流澤遠矣嚴系我多士古承繹之

立三公祠祝文

某敬即辰良遷祠茲宇而肇祀嚴先生于東偏二祠屹然相望百世之下知所景慕矣惟廣乎宋公亦嘗來牧今求遺像欲列爲四公而未獲也敢先此以告

上梁祭土地祝文

晁 無咎

某自郊坰改宅邑廛既告于神矣以日之吉架梁于其宇不遠之復自其素心將休老此境尚克永康以裕其子孫方以事神惟神其祐之

修城祭土地祝文

曾子固

州有帝命繕治城墉得日之良嘯工始事斯人永賴維爾土神尚其降休敢不以告

開西湖告廟祝文

蘇子瞻

抗之西湖如人之有目湖生菱葑封如目之有翳翳久不治目亦將廢河渠有膠舟之苦鱗介失解網之惠大池化為智井而千頃無復豐歲矣是用因賑卹之餘資興開鑿之利勢百日奏功所患者淫雨千夫在野所憂者疾癘庶神明之陰相與人謀而協濟魚龍前導以破堅菰葦解折而迎銳復有唐之舊觀尺四山而為際澤斯民於无窮宜事神之益勵我將大合樂以為報豈徒用樽酒之薄祭也

修城祭城隍祝文

築城大役官吏暴露歲月滋勤役徇于素窘以陰雨穴以蛇鼠成者或隳致力無所城以保民實神之職寧忍視此不施以德駸此陰淫廊以晴曦為城害者揮而去之母重勞人版築有程無或後艱一成不傾惠自神賜功由神助官吏與民敢忘恭事

重修北山趙侯廟祝文

趙德莊

越人尚鬼而信巫巫益誕鬼益淫則金錢爭趨棟宇翼如有若神之聰明正直不驚動禍福之則廟像祀然而不顧神能容而安之神之所以為神也歟茲以辰良欽用丹堊以奉神之賢以示民之正以毋隳天子之命祀敢告

脩造祭告祝文

竹隱畸士

鳩工有倣疋事惟寅具嚴消日之良用謹前期之告仰惟昭假俯賜監知

習是齋祭齋牌祝文

黃泰之

齋牌有祭其來舊矣以祭為不足信耶則祓禳之說無據以祭為足信耶進修之効無取吾齋固無俟乎祓禳也而亦未嘗盡回於進修惟神其勇相之

祈雨 謝雨 祈晴 謝晴 祈雪 謝雪

祈雨祝文

張 欽夫

春且尽矣民將時田而時雨少靳土膏不滋歲事所係甚重是用奔走控告明神伏惟矜憐沛而甘澤周徧浹洽克濟南畝實惟神休吏之不恭敢不循省

祈雨祝文

服領以南土剛而農情春秋之交數日不雨已或告病求神雖瀆理不容緩伏惟矜惠下民早沛甘澤周及四境俾克大濟豐年之報敢不敬修

祈雨祝文

惟今之歲賴神之休早稻既獲矣而弥旬不雨禾之晚者秀而未實一簣之功正在茲日是用奔走控告沛澤之賜惟神終惠之

祈雨祝文

惟茲晚稼既視其生長以至于今亦且穗矣必待一雨之沛而後成實乃或靳焉害于垂成惟神之仁獨不矜此豈人事有以干陰陽之和欤政有不平刑有不中驕怠之或萌實長民者之責惟民之寡弱獨何與此盍降罰于吏而无苦其民今茲一日不雨則有一日之傷事既迫矣號呼于神惟神其哀念之

祈雨祝文

汪 彥章

常暘從夏酷毒異常庚伏既終秋後奇暑旱魃為虐農人是憂日望雲霓以蘇南畝承流之寄敢忘懇祈潤澤焦枯亦神之職惟神聰明正直依人伏願咳唾雲雷散施膏澤秋成不日疵癘潛消稼穡豐登公私並濟吏寬其責神亦何羞儻神有靈焉敢志報

祈雨祝文

崔正言

自冬徂夏七月一雨困蘊隆也斬其駕鵝囚其蜴蜥號青童也商羊不舞狢徐將見召螟蟲也涸水出精弄妓呈恠歲且凶也南北万里孰塞穴而泥江楓也得大摠持役使鬼神无空也維坤

之隅峯嶺雜水駭龍從也太山之頤百泉所橐龍所宮也挹彼注
茲迺其餘波乞靈于龍也綵輿至餅乃首相差戴而東也層幢累幡
摩霄擾雲飄緋紅也仙歌佛曲啁囂轉嘈噴亂鼓鍾也將迎奔走
丁壯婦女洎姑翁也足靴手板膺喘背汗吏歸窮也駢揖羅拜首
下投杵而腰彎弓也我方下惟側脇而寐休病瘥也不隨父老俯
伏塵土媿形于容也乃夢道士素衣烏襪而揭簡于宵也寢問之
左挺然植立闖扉迺逢也縹紙聖書經去龍樹其剔我之聾也矍
然而與擎拳作禮以致吾恭也龍其馳駟莽駢而號令豐隆也禾
麻菽麥黍稷稻粱將再見其芄芄也載芟載穫娣妙歡呼歎且春
也四民一飽神不乏祀徭賦得以供也牲牢肥碩俎其有冗以報
龍功也

祈雨請水祝文

歲既荐飢春仍不雨禱于群神靡愛牲幣休應雖格膏澤未周欽
聞名山大庇茲土有荅如響普无感弗通用消穀辰遠致誠請願為
七日之期以勺盈尺之潤當具顯列請命于朝不惟吏民膺受多
福而神之潛德自是而彰聞頤不偉歟

祈雨祝文

東南之利秔稻是資畜鋪布以雲與溝澮分而綺錯泉流不竭膏
澤以時庶幾有秋可以無事方茲徂暑乃復亢陽火雲蔚以峯竒
田背枯而龜坼惟民與吏悼心失圖感足頌興嗟搏手无計念慘舒
之所係惟变化之所司俯瀝懇誠仰祈昭鑒沛然一雨以洗群憂
念之

祈雨祝文

維吏无善狀以干至治之和故民有凶年罹此旱暵之虐閱三時

而不雨盡四月以無雷祇騰煙火之雲但鬱鬱塵砂之霧務草莽地
赤木槁山頽万室皆空四民相食內外震號靡所依投是用載講
仙科爰陳醮席仰天閣而請命望霄漢以敷誠伏異曲軫天慈興
哀下土大誅旱母黑雲呈干日之祥及起毒龍白雨見蔽山而下
霈沛然三日活此一方

祈雨請龍祝文

許仲啓

潭洞阻絕靈君所宅數弄明月司是霽驛若歲大旱有請必獲風
馬雲車從以霹靂一穗之香三日之澤民不我忘不億不逆其來
孔昭其去則隕仙方仲方莫俄而測戊申閔雨上意斯赫蒙福京
師先此疆場迎之致敬里數十百蛇蛻魚服惠然我即願斡元氣
崑崙旁礪散為甘霖洗此火爍高黍下稔晚稔早植均被沾丐奉
葦藁藁序乃錢鏞是刈是穡是登是納倉廩維億潛躍自如寧有
德色鏡鼓寅餞自古在昔

請大湖山聖幡祈雨祝文

竹隱畸士

善救之恩初无遠迹由衷之懇豈隔賤微焦然枯槁之民仰止慈
悲之宇投誠而請跂立以湏伏願至感旁通深仁默應龍神受命
隨旆影以俱來雷雨奏功滿農心而各足

祈雨祝文

江湖之左皆灌漑之田黔歎之間多仰高之地山林水淺土瘠民
勞雨纒曠于浹旬食頗憂於終歲丐求餘潤謁歎諸祠惟神宅據
幽遐職司變化飛天潛地固恍惚以難名巽雨吹風宜須臾而可
致冀蒙霽澤以解怨咨

祈雨請聖水祝文

乃者以旱乾之憂乞靈于神使者出郭雨乃驟至是神之有大惠
於斯人也今稻不入土螟螣將興民待一雨以蘇溝壑之命謹遣
官屬赴朔祠下頌為七日之期以申前約休應昭格其敢食言當
聞于朝以請爵命之寵惟神其幸聽之

聖宋名賢五百家播芳大全文粹卷第七十四

聖宋名賢五百家播芳大全文粹卷第七十五

祝文

祈雨 謝雨 祈晴 謝晴 祈雪 謝雪 蝗

祈雨禱后土祝文

土爰稼嗇神之功也今苗皆在田而旱魃爲虐苟置不問則士失其職於神之功无乃替乎惟厚德載物山峙川流使雲蒸于山龍躍于川曾不崇朝澤被南畝神之辦此易若返掌庸忍坐視而自棄其功於垂成之際哉幸神鑒茲亟揚乃職无俾枯槁爲神之羞若令與民其敢忘報尚享

諸廟禱雨祝文

趙 德莊

某聞之趣事之時之謂知遂物之成之謂仁今吾邑之田粒者穎然而秀者或然矣神之膏之膏寸之潤漏刻之功也若夫桔槔之音既絕焉粒者將失其堅秀者將失其茂汪且滅不如霰而霖也神之知仁其必不然故敢以告尚享

祈雨祝文

張 欽夫

維此之歲已屆莫春時澤未洽麥苗既槁穀種不入人心皇皇更用恐懼奔走以告惟神之仁哀此下民沛以甘雨雷動風行周溥沾足以開有年敢不敬恭克承休德

祈雨祝文

黃 魯直

維吉日丙寅奔走丞佐以歲事謁于朝廷零雨其濛爲惠未徧越戊辰實用不寧身率群吏靡神不宗過蒙明神降鑒勤瘁忘長吏之罪而大庇民隕雨未申之爰畎澮皆盈旱苗蘇醒民有慶色傳相告語實神之雷風與民成功澤則優渥乃己巳庚午天高日融四無雲陰雖蟻集于丘魚噉于淵膏雨祁祁殆不可復愚民冒陂池之澤至於昆弟以鋤耰相逐雖風俗之不美吏化之未加抑亦有以使然惟神血食此邦分風之柄呼吸晦冥足以解紛善歲捐神所易成吏所難是用慘怛三請神其終賜之俾民知神之光烈或神永有依歸及其牲牲肥大酒醴耐甘將教民美西成之報焉

祈雨祝文

黃 曾直

今歲雨暘時節既登麥而美禾迺五月辛巳汙于今不雨以風粒者將不得堅粟苗者將不得遂蕃亟牛而耕汗背而耘者將不得食將无以奉輸貢賦供給祭祀官吏且失其職故以吉日丙寅夙夜駿奔並告於尔神蒙神之休咎以膏雨而漏下不能三刻星斗晏然使人視四郊之枯槁色故自如鄙諺有去狐狸之而狐指之是以无成功春夏之交神賜厚矣豈於幾成而敗之神聰明正直其忍不終惠民吏職不虔獄訟之不得其情使之或奪其時吏則有罪神降災于厥躬勿俾民病

祈雨祝文

黃 曾直

晚稻既苗植禾將粒雲物不雨西南其風高田塵埃下田龜坼歲且无入柰何斯民維尔有神庇民以食能出雲雨化災為穰吏將率民黍牲醴酒以報靈德豈不休哉

禱雨祝文

黃 曾直

迄冬徂春雨不時至麥苗枯槁人畏疵癘甘澤尚闕河不合流餉餽中都帆檣是夏憂神食依人神爵訓帝享帝利人實神之義山川雲雨神所周覽吏以病告神其聽之

祈雨祝文

道成善貨有感則通鈞播不私每求皆獲輒伸民懇仰瀆聖聰伏念常暘為苗逾月不雨陂塘已竭苗稼將枯顧歲事之可虞寔民命之所寄徧祈群望未獲優霽沾恭惟仙馭之登天茲為故里迺瞻仙遊之邃宇專庇斯民是用投誠敢祈善應伏願弭消旱魃呼召雲師霈以甘霖亦此豐歲

祈雨請水祝文

竹隱畸士

天地好生豈欲致水旱之沴郡縣失職不能感陰陽之和嗟歷歲以荐飢又中春而不雨麥且尽槁民實何辜伏願默鑒誠忱大興惻怛假茲一勺之水賜以雲霖池俾我千里之民脫於餓殍

祈雨祝文

神之食於茲上久矣閭里細民欽神之威時節奉祀惟恐不及非神之靈鄉官有以陰中其心則何以得此声於河間之壤哉然而守土之吏未獲展犧牲司勳之府未獲議封爵意者神之功德將有待而顯歟今河間之境踰時不雨農夫閔二莫保其命山川百神之祀无不謁也而未獲膏潤之答神不於此日發其威靈以取籠於朝廷則後而失其時矣謹謁祠下恭爲三日之約誠能沛然作爲雨澤滌去旱暵則吏雖踈賤敢不條具功狀以聞于朝當卽將命以彰神之功此神一幸手須吏之勞而千万年血食不朽之列也神亦有意於吏之言乎再拜俯伏以俟威命

祈雨祭靈星祝文

自春不雨以達于夏麥且尽死民將无所得食吏愚不敏以不獲媚于上下夙夜惶懼靡神不宗吁嗟而求曾莫我聽夫人稷三夏在溝壑咸以神之威靈諭于守吏曰疇昔閔雨无請弗獲今茲之旱匪神敦依謹消吉辰謁款祠下伏願急民之病愍吏之愚沛爲膏潤澤此枯槁庶幾神不愧于民有託于神吏於其間預受其祉則凡犧牲幣帛所以奉事神者其敢有愛

祈雨祝文

吏无善政以裕于民幸歲之豐可以一飽今冬雪既乾而春澤未降苗不出壟農以大恐吏則有罪民實何辜是用潔齋禱于祠下神之愛民甚矣豈不惻然而念之乎

祈雨祝文

火耕水耨竭人力以无遺爍石流金當驕陽之可畏于茲不雨大懼无年靡非所瞻依莫知控告是用恭款琳宮之闕肅陳仙衛之嚴仰叩紫庭跪敷丹懇伏惟至神无間密化難名翕闢兩儀斡旋四氣雷發馬電擊駘八部之天龍霧集雲飛會五方之嶽帝霈然一雨徧灑八紘

祈雨祝文

自夏徂秋元陽可畏維民與吏粒食是憂仰惟諸神陰相下土尺

起乖龍之執天誅旱魃之妖雨以潤之既答三農之望物其有矣
將觀百室之盈

謝雨祝文

汪 彥章

比因旱暵仰叩洪私果遂感通沛然甘澤田疇充足禾稼甫成刈
獲及時正須杲日浸淫不已適害農工是溼丹誠再禱祠宇頑雲
一掃積潦頃收慰彼三農助成樂歲神靈如在報其不忘

謝雨祝文

惟神聰明正直依人而行咳唾雲雷散施膏澤秋成不日疢癘潛
消稼穡豐登公私並濟吏寬其責神亦何羞儻神有靈晉焉敢忘報

謝雨祝文

秋成在望時雨愆期仰叩靈祠果蒙敷祐雲重風馬即日感通一
夕霽霽三農育慶茲陳報禮用答鴻私冀克豐登以終神賜

謝雨祝文

晴方浹日已報旱乾雨不崇朝遂獲霑足枯苗復秀槁穗再華如
茨如梁將見曾孫之稼實堅實好嗣興后稷之功民樂有年吏幸
無罪肆陳薄奠仰答神休

奉詔北嶽謝雨祝文

粵維冀方歷春不雨天子閔仁元元先事悼懼敕以牲幣致虔靈
岳詔音未敷澤已霽霽帝用嘉粟日勤不忘申命守臣拜賜庶
下今茲蠶蟲則屢起麥方及秋尚緊垂休錫以終惠敢緣報告重輸
悃誠

謝雨祝文

某至郡未及暖席政之无良遽以旱告款未及謁雨乃驟至是神
之深閔于民而曲赦吏之罪也敢不告蠲以拜靈貺

謝雨祝文

維令不德尚未引去以興旱暵之災維神有靈不賜罪誅以加膏
澤之惠蔚晚禾而立穎粲植稻以作花飫飽決然可期稠載於茲
可卜式符民願以盖吏術豈人能為采神之貺

謝雨祝文

惟大荒落陽氣浸驕沮傷天和怒風鳴條川池既耗土山亦焦念土之毛民慘不聊祇奉明命爰率我僚禱雨于神惠此東臯日走祠下莫敢告勞神享其誠精浸宜交油然作雲遂不崇朝其散如絲其沃如膏焦卷一變蔚為美苗罷遣兒曹无復叫號巫覡反室藏緘鼓簫秋成可期玉燭遂調樽有旨酒且有嘉肴拜貺于神神鑒其昭

賽雨祝文

王禹偁

維年月日具官某謹以清酌庶羞之奠賽謝于豐山漢高皇帝之神越自徂暑銜闕時雨下民望歲罔知所訴長吏憂人靡敢辱處躬陟崇山祇謁靈宇植芴拜起跪奠酒脯物薄誠至冀神聽許巫約兩日或五或七曾未三夕霏霏流溢泛灑四境鼓舞万室早稼芄芄凌波而出豆麻菜果无不繁實致是豐稔實慶陰隲有感則通時神之功无德不報惟祀之豐酒肴清肥尸祝寅恭獻于山殿以荅神聰伏惟尚饗

謝雨祝文

竹隱畸士

二十四風已窮春序三十六雨不應豐年乃訪山椒爰瞻梵宇窅然豈嘗員中有龍湫俯挹清泠纔乞一杯之水遂蒙霽潤普沾万室之田頌茲黎庶之生成出威神之賜

謝雨祝文

宋子京

向者甘澍愆澤孽羽為災浸害甫田叅秉炎火涼德自咎斯農何辜亟請有神徼丐餘祉聰直垂詠融賊既消協氣坐還嘉生紛集曾如是荅居不敢忘欽薦治馨祇謝神貺

謝雨祝文

竹隱畸士

火化獨行憫早苗之就槁執淫所勝及晚秀以將枯日聞雷響音之車僅引蛇行之水其如大地安得普沾是用訪境內之山川得雲間之洞壑深窮窅窅一挹清泠幢蓋初來擁寶餅於中道風雲隨至洒靈雨於四方曾靡崇朝遂踰信宿澤及千里歡動群情故遣某

官遠奉聖泉復還龍室肅陳牢醴少荅威神

謝雨祝文

趙德莊

雲同霰集若雪而雨南土之常也風雲相持乍離乍合陰不勝陽也破屯為解以興嗣歲神降之祥也奮雷乘之有干時令吏治無良也懷神之惠畏神之威敢不自強也維春之祺賴神无窮薦此椒漿也

謝雨

張欽夫

某近以農夫望歲有請于神蒙神降休沛為甘澤浹洽周徧一稔有期更惟神惠終以幸賜吏當虔恭益思不懈以承靈貺堯山雜錄休下云應不旋踵沛澤周洽

謝雨祝文

竹隱畸士

麥稿于野而神澤之民閔于歲而神測之吏尸厥官神則釋之黍稷非馨神其格之

謝雨祝文

吏失其職以為神憂不誅其瀆終賜之雨今稿者既蘇乾者以濡是神之有大惠于斯人也儻五六日至于旬時繼之以霽靈益之以霖霖則千里之民真再生矣既拜神貺敢私布之

謝雨送水祝文

乃者吏以不勝任之故不遠百里躬請命于祠下薦獻之際震于神物登水于堂雨乃驟至然未及溼也曾不旬日繼以霽然吏民歡呼歌頌神德謹擇元日納水潭中甘澤之零尚願有嗣則民獲再生之福而神亦有無窮之聞

謝雨

張欽夫

涉春以來時澤未應深虞農事之艱奔走控告神荅如響雷行雨沛連日未已民得以服事南畝吏得以少寬百憂神之賜其何以報雖然苗既蒔矣將秀之既秀矣將實之實而堅穫而周始得以徧充吾民之腹而克應公上之須然則自今以往歷夏及秋雨暘之節各適其可无或少愆而後吏之責塞不至數瀆于神其實庶

惴焉惟民之凋瘁方歲之豐猶或不舒惟神之聰明其所臨饗食實
依乎民吏或有罪願止罰于身而无貽於民也

謝雨

張欽夫

近以時澤未應控告于神惟神哀民之生賜以甘雨俾克卒趾于
南畝爲惠曷勝惟是自此以往農事日興所望雨澤相繼乃迄開
于有年惟神幸賜之以不倦惟吏恪承之弗敢怠惟民欣戴之何
有極

謝雨

近以時雨有愆祈請于神蒙神降休應以甘澤尚祈終賜俾遂有
秋敢不殫誠仰祇神惠

謝雨

某近以雨澤未溥存有控告賴神之靈連獲嘉應爰燥之壤悉得
就耕謹再拜以謝惟是農事之難自茲以往苗而秀秀而實所仰
於雨澤蓋原原也惟神幸終賜以成有年謹再拜以祈

謝雨祈晴

夏至之日某以南畝望雨控告于神賴神之靈應不旋踵今既半
月沛澤不翅有餘矣而連縣不已陰氣未收復懼爲下田之苗是
用再有請于神望即開霽以終其賜夫久晴而乞雨積雨而丐晴
其爲請誠若無厭者惟神矜此下民赦吏之瀆而有以俯徇之自
今以往願五六日至于旬時雨暘相須無過與不及保我嘉穀以
迄于有秋則實拜神之太惠吏之修省其敢弗虔

謝雨祝文

竹隱畸士

嗟惟此邦歷時不雨禾且盡槁民將疇依神實夏之賜以膏潤是
赦吏之罪而大庇于斯民也不腆牢羞肆用昭報

謝雨送龍祝文

許仲啓

歲在涖難運適亢旱瞻仰雲漢巫覡緇黃禱祈厭禳未決豐稔荒泥
蟠匪虻蚘蠹 蛭蠹 臨茲質言來止梵宇雲氣旁午從以風雨定遷
湛泉靈玉氣回旋風雨依然我疆我理潤澤豐美禾稼疑蠹 民靡艱

食更安其職繫神之德酒肴辭、伐鼓揚微送神來歸石壁崔崔
兮澄湫洄洄兮神兮歸來兮貝闕珠宮翡翠帷兮妃媵嬈迎笑熙
兮神兮來歸勿遲遲兮

謝雨送聖幡祝文

竹隱畸士

越疆以請蓋深溝壑之憂赴感而來曾无江漢之隔泛灑於及郊
之始霽靈池於數日之間嘉穀奮張惟心震動消選日辰之吉導迎
幡旆之還願矜照於此心長慈悲於我衆

祈晴祝文

張欽夫

霖雨連仍勢猶未已深虞浸溢有害秧麥早夜不遑用走控告伏
惟矜此下民賜以開霽惟神之惠俾克敬承吏之不恭敢不修省
維時初冬氣當摯斂迺者癸酉之夕雷電交作陽縱不收繼爲霖
雨亦既弥旬穀之登場者未暴深虞其積而壞也用走祈于神所
冀開霽齊以成其終導和致順无爲民畜敢不敬省人事以承休嘉

祈晴祝文

竹隱畸士

穰民存饑幸此稔穀且穫矣兩復病之吏愚無知惟神是謁既
賜之食以活矣忍迫諸口而奪之乎杲杲出日將引領是望

祈晴祝文

民張頤以望穀之收吏指日以須稅之入今雨不止吏與民既知
懼矣非神其孰能救之敢用奔走請命祠下毋使豐年之功虧於
一簣則神之賜厚矣將何以報之

祈晴祝文

西山居士

大江之西卑薄之域上田高仰下田沮洳三日雨則渴日十日晴
則望雨民雖力穡成功則天雨賜之禱屢屢于於神惟神廟食歲塚
民病今茲闕雨敢以民請寸雲尺澤呼吸之間神實司之以惠斯民

祈晴祝文

竹畸隱士

嘉穀既登又窘陰雨細民失職惟曰怨咨更有罪以何逃入无辜
之可念伏願矜其望歲賜以有年風伯收雲禾不憂於生耳岨夷出

日葵亦幸於傾心

祈晴祝文

汪 彥章

吳興下澤水潦是憂禾稼甫成刈穫在望比緣霖雨有礙農工浸潤為傷民情愁嘆承流茲土敢息懇祈百姓困窮伊誰之責用遣僚吏請命靈祠惟神靈德昭然功在社稷呼吸之際陰氛頓開收捲風雲散除積潦農夫農婦嘆聲相聞賴神之休使民蒙福三牲之薦聊以寓誠神其鑒茲以永靈賜

祈晴祝文

竹隱畸士

夏既旱矣所望者秋秋既成矣而病以雨穀既不得以畢收麥復不能以時執貢賦迫於輸入而泥淖妨其道涂是皆民之憂而神之所宜恤也吏愚无知敢再拜以請

祈晴祝文

秦 少游

凡物平為福有餘為禍雖陰陽之大猶不免焉乃季春已來雨雪不止漫溝圳漲川省麥苗垂敗將弗克有秋是用禱于尔神惟神廟食此土當赫九鑒以福于民亦將有以事神而不敢懈尚享吉

祈晴祝文

粵自去冬陰氣為沴雪積表文逮茲獻歲寒不時歸雪又復作道塗梗塞物價翔湧四郊農事茫然無期是用奔走乞晴于爾明神惟神廟食茲土且赫厥靈揮却慘澹屏除翳昏還我大明毋使斯民久罹重困

祈晴祝文

竹隱畸士

三事就緒實惟豐年十月滌場乃作淫雨豈惟采盛之害實懷溝壑之憂天无遠之不聞民雖微而可閔伏望矜其力穡賜以時暘苦雨凄風沈潜万里青天白日徧滿九坎

祈晴祝文

汪 彥章

民命所繫軍食尤先一或阻飢流為盜賊吳興澤國土薄水深時暘獨宜他郡莫比自春徂夏苦雨浸淫蠶麥粗收耕農告病牧民是職任責其誰用瀝丹誠力祈靈宇覲垂哀憫以福斯民即掃頑

雲頓收積潦農夫相慶指日有秋民既蒙休神亦何愧

祈晴祝文

宿麥甫成暑雨為洽鋤耜告病農心焦然敢瀝丹誠請命祠宇願
敷明祐以極斯民掃蕩頑雲收除積潦三農奮力百穀順成永賴
神司其敢忘報

祈晴祝文

淫雨繼作農工告窮已成漂沒之憂詎免禱祈之黷惟神善應有
感必通願掃重陰以貽靈貺卷舒在手少推不倦之仁功利及民
終遂有年之慶

祈晴祝文

竹隱畸上

維風及雨妨茲東作之功既耕且耜失我大田之望民其告病吏
亦靡安是用恭叩玉虛仰祈元聖伏願雨師雲將回霄極以收威
日君月妃麗天循而垂景神明無間以欲潛通

祈晴祝文

陳履常

天災時行雨雪為虐上憂勞東方爰下赦令施德宥罪以當天心
復詔守臣致命以率祀神其隆之有當吉意也

謝晴祝文

汪彥章

比緣淫雨有害三農民心焦然伊誰之責是殫誠悃禱于神明果
遂感通漸獲開霽齊春蚕在望宿麥甫成奮力耕耜蒙福千里用消
吉日少吝鳴休尚克有秋以終靈賜

謝晴祝文

比因天譴暑雨過期百姓怨咨田廬漂沒寅夕惴恐莫敢違寧徧
禱靈祠期於必應果膺神祐闕此下民略其罪愆俾免溝壑密雲
暮捲積潦朝除赫日亘天陰氛自殄農夫農婦奮力相呼愁嘆之
聲變為和氣消辰惟吉薄祭具羞仰蒼靈私與永神賜秋成在望
延頸以須

謝晴祝文

某以憂寄出守此邦三年于茲水旱屢請神不為瀆年穀頻登淫

雨害農有禱後應敢陳非薦少吝神休與克有秋以終其賜

謝晴祝文

秦少游

間者久陰不解大雪荐作寒氣總至民不聊生於是率僚屬吏士奔走分告乞晴于神神享其誠答以景貺閉陰啓陽變慘爲舒清風既發大明遂升一方熙然僅有生意吏實不德何以克堪敢憑酒肴以謝神貺

謝晴祝文

竹隱畸士

吏滋不德以爲神憂閔旱而獲雨愁霖而得晴其求紛然而神終不之責暴之秋陽訖我穡事豈惟吏之幸將民與國家實欣賴之謹再拜受賜

謝晴祝文

我田既瘵零雨其涼嗟我農夫憂心忡忡穀且于差薄言往愬謂天盖高上帝臨之杲杲出日有鳴其旦穫之穰穰我君既盈薄采其芹于彼行潦之聽之無德不報

謝晴祝文

昔何雨之淫也何懼之深也今何時之... 何惠之普也何穀之穰且多也何慶之喜且歌也何祀之芬且苾也何吏之齋且栗也神之使我速矣報不敢以不疾也

謝晴祝文

在谷滿谷地方慶於秋成曰暘而暘天不違於人欲禱蓋勤而喜倍恩既厚則感深伏願洪造无私至仁不倦時若陰陽之運曲成覆載之功

謝雨祝文

歲既單矣方深積潦之憂天監在茲遽錫時暘之慶雲霓解剥禾黍昭蘇既稽首以知恩敢涓辰而拜賜伏願慈仁遠被覆壽俯臨曲矜懇悃之誠永膺豐穰之福

祈雪祝文

趙德莊

歲久不雨和氣不效比一再雨人以爲祥也而其輒以雪請豈

易然哉以神之神苟曰氣應一嘘吸之間耳及茲未春猶足以瑞此
邦人之望而非吏之能也神勿違之

謝雪祝文

張

欽夫

惟邦有社實司其土闔闢陰陽呼吸風雨民所憑依國有彛禮凡
我命吏敢不敬事茲冬而溫氣或乖忤陽驕不收壤燥靡附來
牟何貽厲疫是懼奔走以告俯伏偃僂先以嚴霜知神意許醲陰
連朝雲同天宇粲然雪花上下飛舞風无虐號食氣有和豫載積
載寒遠近周溥沍氛一空嘉祥來下音物意昭蘇土膏沮洳既釋
近憂亦寬遠慮嗣歲其有兆端已豫何以報神正直是與物替引
之神日聽汝俾我大田有富无窶嗚嗚其歌坎坎其鼓農夫之誠
神所惠頌

謝雪祝文

趙

德莊

閩嶺之南率數歲乃一雪一一神之之凡何足以請
也迺者妄意焉蒙神之

陰寒氣乃效一

再雨且三日山之神

人哇无有苗害

其其敢怠忽以心神之休

平浩享

謝雪祝文

比以歲既單矣冬澤稍竭靡皇寧居並走群望字聞于神若響若
荅陰雲沍興雪乃驟至既優既渥以舞以歌吏釋其憂敢不拜賜
尚願終惠以為神休

蝗虫祈禱祝文

秦

少游

比者善氣始應霖潦屢降溝壑流通事既有望矣而越自雨闕以
來飛蝗蔽天敢為妖孽土之毛髮所過為盡嗚呼其不已也哉大
旱之後而得霖雨是天有意於恤民也惟爾有神亦當上承天意
駢率醜類入于江海自求多福无或違天以速愆咎

蝗虫謝神祝文

比以旱氣構沍災騰群翔方穀之蕃敕吏勤捕致禱祠典祈稔農
秋至誠如言飛孽无灾唯類訖息染盛迪嘗惟神之貺屆夫多祉

匪曰嘉薦聊用謝誠

聖宋名賢五百家播芳大全文粹卷第七十五

